



UNIVERSITÄTS-
BIBLIOTHEK
PADERBORN

Universitätsbibliothek Paderborn

Prophetia Apocalyptic S. Joannis Apostoli

Kircher, Heinrich

Coloniæ Agrippinæ, 1676

§. III. De acclamatione Animalium & Seniorum: cum brevi repetitione
ordinis in Visione.

urn:nbn:de:hbz:466:1-39100

§. III.

De acclamatione Animalium & Seniorum: cum brevi repetitione ordinis in Visione.

Trisagion Animalium.

1. **V**OX ANIMALIUM Eadem est quæ Seraphinorum apud Isaiam cap. 6. Canunt sine requie, DIE AC NOCTE, SANCTUS, SANCTUS, SANCTUS; tribus Personis uni Omnipotenti: QUI ERAT, inquiunt, ab æterno, ET QUI EST immutabiliter, ET QUI VENTRUS EST in ea Persona quæ operante totâ TRINITATE induita est naturâ humanâ; in qua Persona simul est ventura tota & necessariâ TRINITAS per circum-infessionem conjunctissima. Rectè Animalia monent *ventrum*: quia Evangelia præparant hominum genus ad expectationem adventus illius & Judicij.

2. Dum illa Animalia trisagion suum canunt sedenti in Throno, &c, ut sunt tota animata Spiritu vita illius, redunt GLORIAM, HONOREM ET BENEDICTIONEM VENTI IN SÆCULA æternâ: protinus etiam SENIORES cum illis procidunt præ reverentiâ; adorant ex Zelo; & CORONAS ei suas assig- nant cum sub-missione & gratitudine.

Atque hæc est vox procidentium: DIGNUS ES DOMINE DEUS NOSTER ACCIPERE GLO- RIAM, ET HONOREM, ET VIRTUTEM (quod est Trisagion Seniorum & depresso sui in triplex ni-

hilum sui ipsorum; naturæ, gratiæ, beatitudinis;) QUIA TU CREATI OMNIA: ET PROPTER VOLUNTATEM TUAM ERANT: ET CREATA SUNT. Id est: Tibi, inquit, omnia reddimus accepta: Creatori enim; ideas divinæ mentis Tuæ, effectrices rerum omnium, & per decretum voluntatis Tuae: ibi in ideis illis tuis sempiternis atque in illo tuo decreto erant ab æterno: jamque in tempore *creata sunt*, ex nihilo summet Te auctore, ad quem solum est referendum omne esse earum naturale & supra naturam.

3. Addamus Anacephaleos in hujus Capitis; & ordinem totius Visionis; qui sic habet.

Sessio DEI in Throno: Ordo
Circa eum sedilia, seu throni mi- Visorū.
nores juxta positi, super quæ Senio-
res 24.

De Throno sicut in Sinai Vox Ma-
jestatis, Nova Lex Christianorum, &
Evangelica.

Ante Thronum 7. Lampades, hie-
roglyphicæ septem Spirituum Präsi-
dum, ardenti charitate DEI &
mundi inferioris de quo agitur illu-
minando per Ecclesias.

E regione in conspectu Sedis Mare
vitreum.

Circum in medio, inter Sedem &
Mare

Confel-
fio Se-
niorum.

Mare vitreum, spatum pro Animalibus quæ nullum faciunt finem deprædicandi : sicut nec Seniores ferendi accepta Deo sua ipsorum merita, ex suo nihilo in quod procidunt & ex quo dicunt esse omnia,

Procidamus & nos coram Throno, qui hæc legimus, & prostrati dicamus Trisagium cùm Animalium tūm Seniorum : prostrati in triplex nihilum nostrum, nihilum naturæ, nihilum gratiæ, nihilum beatitudinis.

TRACTATUS VIII.

IN CAPUT V.

Continuatur Visio Capitis præcedentis.

VERBA APOCALYPSEOS.

(Cap. 5. Vers. 1.) Et vidi in dextera sedentis supra thronum, librum scriptum intus & foris, signatum sigillis septem. (v. 2.) Et vidi Angelum fortem, prædicantem voce magna : Quis est dignus aperire librum, & solvere signacula ejus? (v. 3.) Et nemo poterat, neque in cælo, neque in terra, neque sub terram, aperire librum, neque respice illum : (v. 4.) Et ego flebam multum, quoniam nemo dignus inventus est aperire librum, nec videre eum. (v. 5.) Et unus de senioribus dixit mihi : ne fleveris : ecce vicit Leo de tribu Iuda, radix David, aperire librum, & solvere septem signacula ejus. (v. 6.) Et vidi : & ecce in medio throni, & quatuor animalium, & in medio seniorum, agnum stantem tanquam occisum, habentem cornua septem, & oculos septem : qui sunt septem spiritus Dei, missi in omnem terram ; (v. 7.) Et venit, & accepit de dextera sedentis in throno librum. (v. 8.) Et cum aperisset librum, quatuor animalia, & viginti quatuor seniores ceciderunt coram agno, habentes singuli citharas, & phialas aureas plenas odoramentorum, quæ sunt orationes sanctorum : (v. 9.) & cantabant cantum novum, dicentes : Dignus es Domine accipere librum, & aperire signacula ejus : quoniam occisus es, & redemisti nos Deo in sanguine tuo ex omni tribu, & lingua, & populo, & natione : (v. 10.) Et fecisti nos Deo nostro regnum, & sacerdotes : & regnabimus super terram. (v. 11.)